

Parlamento Hubenil di Reino a inicia, cu presencia di Prinses Beatrix

ORANJESTAD - Prinses Beatrix a tene un acto ceremonial ayera mainta, esaki a duna inicio oficial di e prome encuentro di Parlamento Hubenil di Reino. E acto aki a tumu luga na Universidad di St. Maarten.

Ya for di dialuna e grupo di hobennan di Aruba acompaña pa Minister encarga cu enseñansa Michelle Hooyboer-Winklaar tabata tin un tour ariba Sint Maarten. Den e tour aki nan a bishita e banda frances y hulandes di Sint

Maarten.

-Despues di a conoce algun area di Sint Maarten tabata ora pa nan cera conoci cu e otro hoben nan di e paisnan Reino. Esaki a sosode den un manera super activo, gruponan bruha cu hobennan di tur e paisnan a wordo forma pa haci diferente ehercicio di Crossfit hunto pa mira nan "team-building skills", y alabes conoce otro. Ariba e prome dia intenso aki cada isla a prepara pa duna un presentacion di e Isla cu nan ta representa.

Cinco team di 10 hoben di

e islanan den Reino Hulandes a bin ta prepara pa 3 luna caba pe debate cu nan lo tin cu otro riba temanan cu ta afecta hubentud, tanto aworaki como den futuro. Entre e temanan cu lo discuti riba dje tin educacion, derecho di mucha, cultura y desaroyo duradero. Un pregunta importante cu ta bay debati riba dje ta e rol di Reino como factor cu ta mara e paisnan hunto.

Na final di e 3 dianan di debate, e hobennan lo presenta un documento cu nan vision riba e varios puntonan men-



ciona. Ademas, un miembro di cada delegacion hubenil lo bay cas cu un punto di accion cu su pais mester traha riba dje den cuadro di e conferencia.

E conferencia ta den cuadro

di celebracion di 200 aña di existencia di Reino.

Prinses Beatrix lo bishita varios proyecto tambe riba e isla, entre otro di UNICEF. E ta keda te cu diahuebs awor. □

Mike Eman

Parlamento Hubenil di Reino na Sint Maarten ta refleha speransa pa e proximo generacion



ORANJESTAD - Diferente parlamentario di paisnan den reino tabata presente na e prome encuentro di Parlamento Hubenil. Prome Minister Mike Eman a participa den e reunion di Parlamento Hubenil di Reino na Sint Maarten.

Eman a hiba palabra ayera durante un di e sesionnan di debate. Aki el a refleha e speransa cu e ta wak den e proximo generacion y su habilidad pa traha hunto riba un bien-estar comun.

Como parti di e actividad, un hoben miembro di Parlamento Hubenil a puntra na e panel di invitadonan kico ta e reto mas grandi pa mantene e bon comunicacion y relacion den Reino Hulandes. Prome Minister Eman a contesta e pregunta aki indicando cu e esencia ta un bon y constante dialogo. E panel presente na e apertura di e debatenan a consisti di funcionarionan halto di e diferente paisnan den Reino Hulandes.

Prome Minister Eman a cuminsa na remarca cu e ta entusiasma di por wak un

grupo grandi di hobennan for di e diferente isla y paisnan ruman dispuesto pa traha riba e formacion di un Reino fuerte. E tipo di iniciativa y encuentronan aki ta un inspiracion tanto pa otro hobennan como tambe pa esnan cu ya caba ta ocupa un posicion y carga un responsabilidad publico den nos comunidannan.

Despues di a contesta e pregunta indicando cu dor di crea un miho dialogo nos por haci un miho trabou, Premier Eman a enfatisa cu futuro di Reino ta muestra hopi prometedor basa riba loke e ta mira den e cara di e Parlamentarionan Hubenil. "Mi ta wak nan cara y mi no ta wak prehuicio cu tin biaha ta blokea e mente pa e ta en berdad habri y scucha e ideanan y e vision di otro," asina Prome Minister Eman a bisa. "E ora ey bo ta haya e combersacion cu cual bo por crea algo bon," e mandatario a conclui. Parlamento Hubenil di Reino ta tumando luga den cuadro di e 200 aniversario di Reino Hulandes. Cada isla a manda un delegacion di hoben hunto cu un 'coach' cu

den e caso di Aruba, ta Minister di Enseñansa, Michelle

Hooijboer-Winklaar. Tambe ta na St. Maarten e siman aki,

Su Excelencia Gobernador Fredis Refunjol. □